



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-1208/17  
Vogošća, 16.01.2018. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 16.01.2018. godine donio je

**ODLUKU  
O PONIŠTENJU POSTUPKA JAVNE NABAVKE RADOVA NA UREĐENJU II DIONICE  
POTOKA STUDENAC NA LOKALITETU BORAČKOG NASELJA U HOTONJU IV, NA  
PODRUČJU OPĆINE VOGOŠĆA**

**Član 1.**

Poništava se postupak javne nabavke radova na uređenju II dionice potoka Studenac na lokalitetu boračkog naselja u Hotonju IV, na području općine Vogošća broj: 07-14-1208/17, jer nijedna od primljenih ponuda nije prihvatljiva.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**OBRAZLOŽENJE**

Općinski načelnik je dana 14.12.2017. godine donio Odluku o pokretanju otvorenog postupka nabavke radova na uređenju II dionice potoka Studenac na lokalitetu boračkog naselja u Hotonju IV, na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 19.12.2017. godine pod brojem: 1353-1-3-128-3-71/17.

Sažetak obavještenja o nabavci objavljen je u "Službenom glasniku BiH" broj: 90/17 od 22.12.2017. godine.

Tendersku dokumentaciju sa Portala javnih nabavki BiH je preuzelo 17 (sedamnaest) ponuđača. Krajnji rok za prijem ponuda je bio 08.01.2018. godine do 14:00 sati.

Na prvoj sjednici Komisije za javne nabavke prilikom otvaranja ponuda dana 08.01.2018. godine, konstatovano je da su zaprimljene dvije ponude i to:

- Ponuda ponuđača "Termo-beton" d.o.o. Breza, broj int. knjige 4/18, sa ponuđenom ukupnom cijenom od 154.048,72 KM bez PDV-a;
- Ponuda ponuđača "Mibral" d.o.o. Sarajevo, broj int. knjige 5/18, sa ponuđenom ukupnom cijenom od 166.931,65 KM bez PDV-a.

Komisija za javne nabavke je zatim pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-1208/17 iz decembra 2017. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, Komisija za javne nabavke je utvrdila sljedeće:

Ponuda ponuđača "Termo-beton" d.o.o. Breza, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. TD pod b)-Obrazovne i profesionalne kvalifikacije lica koja su angažovana na izvođenju konkretnih radova, tražen je 1 (jedan) građ. tehničar, IV stepen stručne sprema sa položenim stručnim ispitom i 5 godina radnog iskustva. U svrhu dokazivanja ispunjavanja uslova iz tačke 7.4.1. ponuđači su tačkom 7.4.2. TD u ponudi bili dužni dostaviti kopiju diplome, kopiju uvjerenja o položenom stručnom ispitu za jednog građ. tehničara kao i dokaz o radnom iskustvu i radnom angažmanu. Ponuđač "Termo-beton" d.o.o. Breza u svojoj ponudi nije dostavio dokaz tražen tenderskom dokumentacijom, odnosno dostavio je dokaz za 2 građevinska inženjera umjesto 1 inženjera i 1 građevinskog tehničara.

Ponuda ponuđača "Mibral" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. TD pod c)-posjedovanje građevinskih mašina i tehničke opreme neophodnih za uspješno izvođenje predmetnih radova traženo je da se kao dokaz dostave kopije važećih saobraćajnih dozvola/potvrda o registraciji i kopije važećih upotrebnih dozvola za tražene građevinske mašine i tehničku opremu shodno tački 7.4.1 C. TD. Ponuđač "Mibral" d.o.o. Sarajevo u svojoj ponudi nije dostavio traženi dokaz, odnosno dostavio je kopije Potvrda o vlasništvu vozila umjesto traženih Potvrda o registraciji vozila, a iz Potvrda o vlasništvu vozila se ne vidi da li su vozila registrovana, tehnički ispravna i da li mogu služiti svojoj svrsi.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova na uređenju II dionice potoka Studenac na lokalitetu boračkog naselja u Hotonju IV, na području općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14)

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Termo-beton" d.o.o. Breza
2. "Mibral" d.o.o. Sarajevo
3. Nadležnoj Službi
4. U dosije
5. a/a

032/789-051  
033/656-680

OPĆINSKI NAČELNIK

  
EDIN SMAJIĆ